

Жаңалық релизi

2025 ж. 5 қараша сағат 12:00 (ALMT) дейiн жариялауға эмбарго

FREEDOM HOLDING CORP. ҚАЗАҚСТАНДАҒЫ ҚЫЗМЕТ КӨРСЕТУ САЛАЛАРЫ БОЙЫНША PMI®

Қазанда қазақ қызмет көрсету саласындағы белсенділік қайта бәсеңдеді

**Іскери белсенділік он ай ішінде алғаш рет
құлдырады**

**Жаңа жұмыс орнын ашу бұрынғыдан да
баяулады**

**Іскери сенім тарихи тұрғыда бәсең күйінде
қалды**

Жыл ортасында белсенділік бәсеңдеген соң, Freedom Holding Corp. компаниясы ұсынған соңғы PMI® индексі қазанда қызмет көрсету саласындағы өндіріс қайта төмендегенін көрсетті.

Іскери белсенділіктің бұл жолғы төмендеуі наурыз айынан бері ең баяу қарқынмен өскен жаңа тапсырыстардың бұрынғыдан да бәсеңдеуімен қатар жүрді.

Жұмыспен қамту тағы қысқарды, ал жұмыс орындарының қысқару қарқыны ай сайын жеделдеді. Дегенмен, келер жылдағы белсенділікке қатысты сенім позитивті болса да, қыркүйектегі төмен күймен деңгейлес болды.

Негізгі көрсеткіш — іскери белсенділік индексі. Ол іскери белсенділік ауқымын бір ай бұрынғы көрсеткішпен салыстыру үшін қойылатын жалғыз сұрақ негізінде анықталады. Индекс 0 мен 100 арасында қалыптасады, 50-ден жоғары мән өсімді, 50-ден төмен құлдырауды білдіреді. Индекс маусымдық құбылуға сай түзетіледі.

Freedom Holding Corp. ұсынған PMI бойынша негізгі Іскери Белсенділік Индексі жыл басынан бері алғаш рет қазанда өсу мен құлдыраудың ара жігін көрсететін бейтарап 50,0 мәнінен төмен қалыптасты. Ол Қыркүйектегі 50,8 мәнінен төмендеп, 49,3-ке тоқтап, қызмет көрсету саласындағы белсенділіктің біртіндеп қысқарғанын көрсетті, ол соңғы бір жылдағы ең елеулісі болды. Негізгі индекс маусым айындағы айтарлықтай өсім көрсеткен соң, ай сайын құлдырап келеді.


Кейбір компаниялар сұраныстың артуынан пайда көріп жатқанда, өзгелері жаңа тапсырыстар өсімінің баяулауы, салықтық өзгерістер, бәсекелестік пен жөндеу жұмыстары іскери белсенділіктің нашарлауына әкеліп соққанын атап өтті.

Бұған қоса Қазақстанның қызмет көрсету саласы алған жаңа тапсырыстар қазанда едәуір өсті, осылайша өсім мерзімі 12 айға созылды. Алайда ұлғаю қарқыны біртіндеп баяулай берді және наурыз айынан бергі ең әлсіз деңгейде болды. Бизнес өкілдері тұтынушылардың сатып алу қарқыны бәсеңдегенін атап өтті.

Жаңа тапсырыстар өсімінің мардымсыз болуы және белсенділіктің қайта құлдырауы қазанда екінші ай қатарынан жұмыс орындарының қысқаруына әкеп соқты. Жұмысшылар санының қысқару қарқыны жалпы бәсең болғанымен, өткен аймен салыстырғанда айтарлықтай жоғары болды. Негізгі деректерге сәйкес, респонденттердің басым бөлігі (шамамен 94%) бұл айда жұмыспен қамтуда тұрақтылық танытқан.

Freedom Holding Corp. Қазақстандағы қызмет көрсету салалары бойынша PMI

Индекс, маус.түзету, >50 = өткен аймен салыстырғанда өскен (айма-ай өскен)



Деректер 2025 жылдың 9-28 қазан аралығында жиналды

Дереккөз: Freedom Holding Corp, S&P Global PMI. ©2025 S&P Global.

Пікір

Ерлан Әбдікәрімов, Freedom Finance Global PLC (Freedom Holding Corp. 100% еншілесі) Қаржылық талдау департаментінің директоры:

"Қазан айында Қазақстандағы қызмет көрсету салалары осы жылдың басында көрсетілген нәтижелерден кейін өтпелі кезеңге енді. Жаңа тапсырыстардың ағыны өсу аймағында сақталғанына қарамастан, жалпы іскерлік белсенділік индексі бейтарап деңгейден және соңғы он екі айдың орташа көрсеткішінен төмен түсті, бірақ өткен жылдың қазанынан әлі де біршама жоғары. Маржаның тәуекелдері сатып алу бағаларының өсуі мен валюта ауытқуларының қысымы астында сақталуда, бұл компанияларды қызмет бағаларын түзетуге мәжбүрлейді. Бизнесстің алдағы жылға деген үміттері сақтықпен оң болып қала береді, салық заңнамасындағы алдағы өзгерістерге байланысты сақтықты көрсетеді".

Баға мәселесінде, соңғы деректер қазақ қызмет көрсетушілері үшін ресурс құнының күрт өскенін көрсетті. Инфляция қарқыны қыркүйекте байқалған деңгейден аздап қана бәсеңдеді.

Қызмет көрсету саласындағы шығындардың өсуін респонденттер жеткізу, коммуналдық қызмет пен азық-түліктің қымбаттауымен байланыстырып отыр. Бұған қоса, теңге мен АҚШ доллары айырбас бағамының қолайсыз құбылуы импорттық тауарлардың бағасын көтеріп жіберді.

Бағаның өсуі тұтынушы қалтасына салмақ болып түсті, өйткені қазанда қазақ қызмет көрсетушілері сервистің құнын қымбаттатты. Бұған қоса дайын өнім бағасының инфляциясы біршама көтеріліп, маусымнан бергі ең елеулісі және ұзақ мерзімді тарихи орташа деңгейден жоғары қалыптасты.

Десе де, компаниялар келер жылы белсенділік өседі деп үміттенеді. Іскери сенім деңгейі тарихи тұрғыда төмен қалпында қалды және қыркүйекте байқалған соңғы ең төменгі деңгейден аз ғана көтерілді.

Іскери белсенділік өседі деп болжаған респонденттер мұны сұраныс артады деп үміттену, маркетинг жоспары және тиімді инвестиция жасаумен байланыстырды. Ал келер жылы күшіне енетін салық заңнамасындағы өзгерістер бұл үмітті бәсеңдетті.

FREEDOM HOLDING CORP. ҚАЗАҚСТАН БОЙЫНША АРАЛАС PMI

Қазақстанның жеке секторының белсенділігі 20 айдағы ең жылдам қарқынмен төмендеуі байқалды

Қазақстанның Аралас PMI Өндіріс Индексі жеке сектордағы өндіріс көлемі қазанда ай сайын төмендегенін көрсетті. Сонымен қатар индекс қыркүйектегі 49,1-ден 48,1-ге түсіп, соңғы 20 айдағы ауқымды құлдырауды байқатты. Қызмет көрсету секторындағы белсенділіктің тағы да бәсеңдеуі, екі негізгі сектордың да 2024 жылғы ақпаннан бір алғаш рет баяулағанын байқатты.


Жаңа тапсырыстар аралас деңгейде өсті, бірақ бұл өсім болмашы және бір жыл ішіндегі ең төмен мәнде болды. Жалпы өсім негізінен қызмет көрсету секторына тән болды, өйткені өндірушілерде жаңа тапсырыстар саны азайды.

Өндіріс көлемінің төмендеуі жеке сектор компанияларын қазанда жұмыс күшін қысқартуға мәжбүр етті. Жұмыс орындарының қысқаруы төрт ай қатарынан тіркелді, ал қысқару қарқыны соңғы 20 айдағы ең жоғары деңгейге жетті.

Шығындар айтарлықтай өсті, инфляция қарқыны 10 айдағы ең төменгі деңгейге бәсеңдеді. Дей тұрғанмен, қызмет ақысы қарқынды қымбаттады. Маусымдық түзетілген тиісті индекс сегіз айдағы ең жоғары мәнге жетті.


Қазақстандағы жеке сектор компанияларында іскери сенім қазанда тарихи тұрғыдан төмен күйінде қалды. Дегенмен, оптимизм деңгейі қыркүйекте байқалған төмен көрсеткіштен аз да болса жоғарылады.

■ PMI Ресурс бағасы ■ Баға белгілеу бойынша PMI
Индекс, маус.түзету, >50 = өткен аймен салыстырғанда инфляция



Дереккөз: Freedom Holding Corp, S&P Global PMI. ©2025 S&P Global.

■ Қазақстан бойынша аралас PMI Жалпы ішкі өнім (GDP)
Өндірістік индекс, маус.түзету, >50 = өткен айға қарағанда өскен % ж/ж



Дереккөз: Freedom Holding Corp, S&P Global PMI. ©2025 S&P Global.

Байланысушы тұлға

Ерлан Әдбікәрімов
Қаржылық талдау
департаментінің директоры
Freedom Finance Global PLC
Yerlan.abdikarimov@ffin.kz
Freedom Holding Corp

Қоғаммен байланыс
департаменті
Freedom Finance Global PLC
pr@ffin.kz
Freedom Holding Corp

Марьям Балуч
Экономист
S&P Global Market Intelligence
T: +44 (0) 1344 327 213
maryam.baluch@spglobal.com

Ханна Брук
ЕМА елдері бойынша
коммуникация менеджері
S&P Global Market Intelligence
T: +44 7483 439 812
hannah.brook@spglobal.com
press.mi@spglobal.com

Егер S&P Global жаңалықтар релизін алғыңыз келмесе press.mi@spglobal.com поштасына хабарлаңыз. Біздің құпиялық саясатымыз туралы [осы тұстан](#) оқыңыз.

Әдістеме

Freedom Holding Corp. Қазақстандағы қызмет көрсету салалары бойынша PMI® 250 жуық өндіруші компанияның сату жөніндегі менеджерлеріне жіберген сауалнамаға берілген жауаптер негізінде S&P Global әзірлеген.

Қамтылған салалар арасында тұтыну (бөлшек саудадан басқа), көлік, ақпарат, коммуникация, қаржы, сақтандыру, жылжымайтын мүлік және бизнес қызметтер бар. Бұл панел ЖІӨ-дегі үлесіне қарай нақты салалар мен компанияның жұмыс күшінің ауқымы бойынша жіктелген. Дерек жинау 2019 ж. наурыз айынан басталды.

Сауалнама жауаптары әр айдың екінші жартысында жиналады және оның алдындағы аймен салыстырғандағы өзгеріс бағытын көрсетеді. Таралу индексі әр сауалнама айналымы үшін есептеледі. Индекс - «жоғары» жауаптар пайызының қосындысы және «өзгермеген» жауаптар пайызының жартысы. Индекс 0 мен 100 аралығында құбылады, 50-ден жоғары мән алдыңғы аймен салыстырғандағы жалпы өсімді, 50-ден төмен жалпы қысқаруды білдіреді. Индекс маусымға қарай түзетіліп отырады.

Негізгі көрсеткіш қызмет көрсету саласындағы іскери белсенділік. Бұл алдыңғы аймен салыстырғанда іскерлік белсенділік ауқымының өзгерісі жайлы сауалға сүйеніп есептелетін таралу индексі. Қызмет көрсету саласындағы іскери белсенділік индексі өндірістегі өнім өндіру индексімен пара-пар. Ол «Қызмет көрсету бойынша PMI» аталғанымен өнім өндіру бойынша PMI негізгі көрсеткіштерімен пара-пар бола алмайды.

Аралас Өндірістік Индекс- Өндірістегі өнім өндіру индексі мен Қызмет көрсету саласындағы іскери белсенділік индексінің орташа мәні. Мәндер ресми ЖІӨ деректеріне сәйкес өнім өндіру және қызмет көрсету секторларындағы салыстырмалы ауқымды көрсетеді. Аралас Өндірістік Индекс «Аралас PMI» деп аталғанымен өнім өндіру бойынша PMI негізгі көрсеткіштерімен пара-пар бола алмайды.

Базалық сауалнама деректері жарияланған соң қайта қаралмайды, бірақ маусымдық түзету факторлары қажет кезде қайта қаралуы мүмкін, бұл маусымға орай түзетілген кейбір деректерге ықпал етеді.

PMI сауалнама әдістемесі туралы толық ақпарат алу үшін economics@spglobal.com поштасына жазыңыз.

Freedom Holding Corp.

Freedom Holding Corp. әртарапандырылған қаржылық қызмет көрсететін компания, брокерлік қызметпен, бағалы қағаздар саудасымен, инвестициялық зерттеулермен және консультация берумен, инвестициялық банктік және андеррайтингтік қызметтермен, ипотекамен, сақтандырумен, телекоммуникациямен, әуе билеттері мен мәдени және спорттық іс-шараларға билеттерді онлайн сатумен айналысады, онлайн супермаркет қызметтерін және басқаларын ұсынады.

Freedom Holding Corp. компаниясының еншілес компанияларын ескере отырып, 7,5 мыңнан астам қызметкері бар.

Холдингтің бөлімшелері мен еншілес компаниялары Қазақстан, АҚШ, Кипр, Польша, Испания, Өзбекстан, Әзірбайжан және басқаларын қоса алғанда 22 елде орналасқан.

Freedom Holding Corp. компаниясының жай акциялары АҚШ-тың Бағалы қағаздар және биржалар жөніндегі комиссиясында тіркелген және Nasdaq Capital Market-те FRHC тикерімен саудаланады.

www.freedomholdingcorp.com

S&P Global

Негізгі ақпаратты жеткізуші S&P Global (NYSE: SPGI). Үкімет, компаниялар және жеке тұлғалар сенімді шешім қабылдауы үшін, біз оларға қажет нақты деректер, тәжірибе және жүйеленген технология ұсынамыз. Клиенттердің жаңа инвестицияларды бағалауына көмектесіп, оларға ESG мәселесі бойынша кеңес беріп, жеткізу тізбегіндегі энергияның жаңа көзіне ауысуына ықпал ету арқылы біз жаңа мүмкіндіктер ашамыз, мәселелерді шешіп, бүкіл әлемдік прогресті тездетеміз.

Әлемдегі көптеген жетекші компаниялар кредит рейтингін жасау, мақсатты көрсеткіштер, әлемдік капитал, шикізат және автокөлік нарығындағы еңбек ағынын басқару әрі талдау мақсатында бізге жүгінеді. Әр ұсыныс арқылы біз әлемдегі жетекші ұйымдардың болашағын бүгін болжуына көмектесеміз.

www.spglobal.com

S&P Global ұсынған PMI

Сату менеджерлері индексі™ (PMI®) сауалнамалары қазір 40 астам мемлекетте, оған Еуроаймақты қоса отырып, маңызды өңірлерде жүргізіледі. Бұл аса мұқият зерделенетін әлемдік бизнес сауалнама, ол уақтылы, дәл және әдетте ай сайынғы экономикалық трендтердің айрықша индикаторы болатын деректерді ұсынатындықтан, орталық банкітер, қаржы нарықтары, бизнестегі шешім қабылдаушы тұлғалар арасында танымал.

www.spglobal.com/marketintelligence/en/mi/products/pmi

Ескерту

Осы құжаттағы мәліметтердің зияткерлік меншігі не лицензиясы S&P Global және/немесе оның еншілес компанияларына тиесілі. S&P Global алдын-ала жазбаша мақұлдаспаса деректі кез-келген түрде рұқсатсыз қолдану, оның ішінде есепсіз көшіру не басқаша пайдалануға тиым салынады. S&P Global осы құжатта баяндалған мазмұн немесе ақпарат («Деректер»), Деректердегі кез келген қателік, шатасу, олқылық немесе кідірістерге қатысты және соларға сүйеніп жасалған әрекеттерге қатысты ешқандай жауапкершілік, міндеттеме немесе жүктеме алмайды. S&P Global Деректі қолданудан туған кез-келген арнайы, кездейсоқ немесе жанама шығындар үшін жауап бермейді. Сату менеджерлерінің индексі™ және PMI® сауда белгісі - S&P Global Inc тіркеген немесе S&P Global Inc және оның еншілестері лицензияланған сауда белгісі.

Бұл контентті S&P Global Ratings емес S&P Global Market Intelligence жариялады және алдыңғы аталған ұйым S&P Global құрамындағы жеке құрылым. Тиісті тараптан алдын-ала жазбаша рұқсат алмаған жағдайда рейтингді қоса («Контент») ақпаратты, дерек пен материалды көшіріп басуға тиім салынады. Сол тарап, оның еншілестері мен жеткізушілері («Контент жеткізушілері») кез-келген Контенттің нақтылығы, адекваттылығы, толыққандылығы, уақтылы болуы, оған қол жеткізілуіне кепілдік бермейді және (салғырттық немесе басқа) себебіне қарамастан кез-келген қателік немесе мүлт кетуге, осындай Контентті қолданудан туған нәтижеге жауап бермейді. Контент ұсынушылар ақпаратты кез-келген қолданудан туындаған (кірісті немесе пайданы жоғалту және балама шығындарды қоса алғанда) кез келген залал, шығын, зиян, сот алымдары немесе қаржылай шығыстар үшін жауапкершілік алмайды.